

تورک تاریخ انجمنی
مجموعہ
۱ مارٹ ۱۳۴۰
اون دردیجی سنہ
نومبر ۲ (۷۹)

تورکیاده ایلک قاتولیک قاپوسین مناسترلی

خرستیان جمعیات رهبانیه سندن بری ، جمعیات مذکوره جه اهمیتلری تالی اولان Freres mineurs یاخود قاپوسین جمعیتدر . بو جمعیتی میدانک کترین ، وفاتندن سوکرا « مقدس » لقیله توسیم ایدیلوب ۱۱۸۲ سنه سنده ایتالیا نلک اومبریا ایالتنه تابع آسیر شهرنده تولد ایدن فرانسوا داسیر یعنی آسیرلی فرانسوآدر . فرانسوآ ، کنج ایکن اذواق حیاتیه طالدقندن سوکره ، کندینی کلیسا ایشلرینه و خرستیانلنک نشریه حصر وجود ووقت ایشدر . ۱۲۱۹ ده ، اون بر رفیقیه برابر دینی پروپاگاندا مقصدیه مصره کیتمش و قاپوسین جمعیتنک قیودانه کوره ، مصر سلطانی طرفندن مظهر حمایه اولمشدر .

۶۲۱ سنه سنده پارس قاپوسینلری جمعیتی واعظی راهب باجیفیقو تورکیایه کدرک تورکیاده و بالآخره عجمستانده مناستر آچق رخصتی استحصال ایشدر .

بومجموعه نلک صوک ایکی نسخه سنده اسمی کچن «بحر سفیده تورکر» عنوانلی اسپانیولجه ائرده ، موضوعمه دأثر بر وثیقه وارددرکه کافرلری (خرستیان اولیانلری) نصرانیه دعوت ایتکی استهداف ایدن بوجمیت حقنده مهم معلومات احتوا ایتدیکی ایچون عیناً ترجمه ایدیورم :

mineurs جمعیتنک موسسی اولان سان فرانچسکو ، (مقدس فرانسوآ دیمکدر) سینه سنده یانان اللهک عشقنه و مرجمته استناداً یالکز مؤمنلره (خرستیانلره) دکل ، کافرلره (غیر خرستیانلره) فائده لی اولنی و دنیانک هر طرفنده عیسی نلک دینی نشر ایتکی آرزو ایشدر . بو مقدس آرزونک تأثیریه سان فرانچسکو ۱۲۱۲ و ۱۲۱۴ سنه لرده بالذات بو تشبثک باشنه کچمش ایسه ده ، تقدیر الهی آرزوسنی برینه کتیرمه مشدر . یانغه مالزمه بولان آتش فصل سوعز ایسه ، بونک کبی بو مقدس آدمک قینده یانان اللهک عشقده سونیور ایدی . نهایت ، ایلک ایکی بیوک تشبثلرنده موفق اولیان سان فرانچسکو ، ۱۲۱۷ سنه سنده بالذات اون بر رفیقیه برابر تورک سلطانی و امپراطوری نزدینه وعظ و ارشاد مقصدیه کیتمش ، سلطان طرفندن حسن قبول کورمش و وعظ و ارشاداتی سایه سنده سلطانک دینی تبدیل ایتکه موفق اولمش و فقط سلطان ، اهالیسندن قورقدینی ایچون بکی دینی کیزلی طومش و سان فرانچسقویه خرستیانلنی نشر ایتکه مساعد ایشدر (۱) .

(۱) افرنجی ۱۲۱۹ سنه سی دیمک ، شمیدیکی افرنجی تاریخدن ۷۰۵ سنه اول دیمکدر . عثمانلی حاندانک مبدائی هجرتک ۶۹۹ سنه سنه تصادف ایتدیکنندن واوزماندن بوکونه قدر ، عربی حسابیه ، ۶۴۳ سنه کچدیکنندن ، سان فرانچسکو عثمانلی تورک سلطانک نزدینه کلدیکی بدییدر . اولسه اولسه ، بالاده سویلندیکی کبی مصره کیتمش ، وینکه مصر سلطانی زیارت ایشدر . سلطانک تبدیل دین ایتسی مسئله سی ایسه ، خیال محصولدر .

بوندن آكلاشپليوركه سان فرايحقونك آرزوسى ، توركلرى مقدس ديمزه جلب ايله جانلرني ، نجات يولنه سوق ايدن عيسى ايچون، قزانقدور . بوندن بشقه ، بومقدس آدمك حياتك بتون انديشه سى فتح قلوب يعنى خريستيانلغه دعوت مقصديله هر طرفه راهب كوندركدر . ايشته بومقدس آدمه امثالاً ومقدس اثرينه تبعاً پارس قاپوسينلرى جمعيتى واعظى مرقوم راهب پاچيفيقو ، پاپانك كنديسنه بخش ايتديكى صلاحيتى حائزاً عين تشبثانده بولمق اوزره ۱۶۲۱ سنه سنده پارسدن چيقمشدر .

پك چوق چاليدقدن ومشكلاته معروض قالدقدن صوكره ، جناب حق راهب پاچيفيقويه فوق العاده موفقيتلىر بخش ايتمشدر . كذلك جناب حق ، ايچلرنده سكرز سنه طولاشديني يرلرك امپراطورلرينك وقرالرينك مساعده و موافقتلريله ، اساميسى زيبرده تعداد اولنان محللرده مناستر تأسيس ايتك صوابى كنديسنه بخش ايتمشدر .

تورك سلطانك امپراطورلغنده آتيده كي ايلتلىر ايچنده مناستر تأسيس ايدلمشدر :

روم ايلتلىرنده

استانبولده	برمناستر .	۷ راهب
ساقزده	برمناستر .	۵ »
نقشه آطه سنده	برمناستر .	۳ »
ازميرده	برمناستر .	۲ »

مصر ايلتلىنده

قاھرده	برمناستر .	۲ راهب
اسكندريه ده	برمناستر .	۲ »

قبريس آطه سى ايلتلىنده

قرال شهرى اولان لفقوشده برمناستر . ۲ راهب

فلسطين ياخود ارض مقدس ايلتلىنده

صيدا	برمناستر .	۲ راهب
بيروتده	برمناستر .	۳ »
جبل لبنانده	برمناستر .	۲ »

سان فرايحقو ، سلطان خريستيانلنى تلقين ايتك كيتديكى وقت ، صيدا شهرينه اوغرامش واوراده كليسانك بتون علائنى حامل اولدبنى حالده ، اوتهدنبرى تقديس ايدلمش

اولان کوچوک برکلیساده منیجاً وعلناً قرق ساعتق دعاسنی اوقومشدر . سان فرانچیسکو،
چوکوچوک کلیساده ، کرک اوراده بولان خرستیانلر کرک تورکلر وسائر کافرلرک یاردیمله
صبح اقشام وعظ ایدر وهرکس کمال ممنونیتله اونی دیکلر ایدی .

سوریه ایالتنده

حلبده برمناستر . ۳ راهب
بالاده تعداد اولنان بویالتلر ، سلطانہ تابعدر .

عجمستانده

کلدانی ایالتنده

بابلده (بغدادده) بر مناستر . ۳ راهب
۱۶۲۸ سنهسنده صرقوم راهب باجیفیقو بوراده (بغدادده) ، یکی آجیلان بر کوچوک
کلیسائی تقدیس ایتک ایچون علناً آیین روحانی اجرا ایتشدرد . تورکلر ، کلیسا اتخاذا اولنان
بوری تمیزله مک و کوچوک طاشلری آیتقلامق ایچون فوج فوج قوشمشلردرد . آیین روحانیتک
اجرا ایدلدیکی بویله بربرده ، اوقدر کافر تورکلر اثبات وجود الهی حقیقه معجزه در .
تورکلر ، آیین دوام ایتدیکی مدتیجه ، کمال سکونت وانتظام ایله طورمشلر وبووضعیت ، الله
داثر خصوصاتده کندیلرندن زیاده معلومات اولان بزلی محبوب ایتشدرد .

عجم ایالتنده

زنکین اصفهانده برمناستر . ۲ راهب
صراکنده ایکی راهب براقلمشدر . بونلر بر سنه دن فضله برمدتده محبسه یاتمشلر
وکندیلرینه ، ایمانلرینی انکار ایتدیرمک ایچون صیق صیق دایاق آتمشلردرد . فقط متانتلرینی
تقدیرایدن بولندقلری مخاطره بی کورن اوایالتک اهالیسی ، قورتارملری وعلکتلرینه عودت
ایللری ایچون کندیلرینه فدیة نجاتی تکلیف وارسال ایتمش ايسه ده ، بونلر تکلیف واقعی قبول
ایتمه مشلر ، وجواباً کندیلرینک ، عودت ایچون کلدکلرینی واون آلتی کانون ثانیده کلیساجه
خاطره لری تسعید ایدیلن دین اوغورنده ترک حیات ایدن بش راهب قرداشنک اثرینه امتثالاً
مقدس دینز ایچون اولکه کیندکلرینی سویلشلردرد . تورکلر بونی کورونجه وایمانلرینی انکار
ایتمه مک خصوصنده بویکی راهبک کوستردکلری ثباتی آکلانجه ، قرالک حضورینه کتورلملری
تنییه اولنری محبسن چیقارمشلردرد . قرال ، بونلرک قدید برحاله اولدقلرینی ، واللهم
ألنک عظمتی - قرالک قبلری ، ولو کافر قرالر اولسون اللهک آئنده در - کورونجه بونلری
سربست براقش وکندیلرینه برشی یاپلامسنی وقلق ایتزلر ايسه قالمه لرینی وکینتک ایتزلر
ایسه کینتلرینی امر ایتشدرد . بویکی راهب ، فقر وضرورتلریله وحسن مثالریله خیرلی ایش

ياپىق ايجون اوتورككر آره سنده قالمش لدر . مرقوم راهب پاچيفيقو ۱۲ حزيرانده ۱۶۲۹ ده مالطه قاديرغه ليله بورايه يعنى بارسلون ليمانه مواصلت ايدىرك فرانسى دن موجود مناسترلر ايجون يكي راهبلىر انتخاب ويكىدن مناسترلر تاسيس ايتك مقصديله فرانسى ده متوجهاً حركت ايتشدر . پاچيفيقو ، فرانسى قرالى ، مناسترلر ايجار بدلى تاديه ايتدىكى ايجون ، انتخاب ايديله جك راهبلىك فرانسى اولملرى اقتضا ايدر ، ديور . توركلر ، مناسترحالنه افراغ ايديله جك بنالرى ايجارسى ويرمك ايتميورلر ايسه ده ، بعض يرلرده راهبلىك هيچ بر منفعت پيشنده قوشمىدقلى ، يالين آياق كزدكلى ، پڑمرده برحالده بولندقلى ايجون ايجار بدلى آلمىسزى بنا ويرىورلر . هرشى ، اللهك شرفك اعتلاسنه وسنه لردن برى شيطانك ، سنجاغى آلتنده طوتدىنى اوقدر كافر جانلرىنك خيرينه خدمت ايتسين ، آمين :

بو وثيقه ، ۱۶۲۹ سنه سنده اسپانياده غرناطه شهرنده طبع ايدىلشدر . »

آورام غالاتتى